

u općini Usora uzimajući u obzir i druge specifične uvjete finansiranja obrazovne djelatnosti na području ove općine.

Član 4.
(Stupanje na snagu)

Zakon stupa na snagu osmog dana od dana objavljivanja u "Službenim novinama Zeničko-dobojskog kantona".

Broj: 01-02-14475/15
Datum, 16.07.2015. godine
Zenica

PREDSJEDAVALA
Draženka Subašić, s.r.

198.

Na osnovu člana 37.stav 1. tačka g) Ustava Zeničko-dobojskog kantona, Skupština Zeničko-dobojskog kantona na 13. sjednici održanoj dana 29.07.2015. godine, donosi:

ZAKON O DOPUNI
ZAKONA O SUDSKIM TAKSAMAMA

Član 1.
(Dopuna člana 11.)

U Zakonu o sudskim taksama („Službene novine Zeničko-dobojskog kantona, broj: 12/09, 4/11, 7/11,15/11, 2/12, 9/13, 2/14, 1/15), u članu 11. stav (1) iza tačke n) dodaje se tačka o) koja glasi:

„notari kad u ostavinskom postupku postupaju kao povjerenici suda“

Član 2.
(Prečišćeni tekst)

Ovlašćuje se Zakonodavno-pravna komisija Skupštine Zeničko-dobojskog kantona da utvrdi prečišćeni tekst Zakona o sudskim taksama.

Član 3.
(Stupanje na snagu)

Ovaj Zakon stupa na snagu osmog dana od dat(3) objavljivanja u „Službenim novinama Zeničko-dobojskog kantona“

Broj: 01-02-15020/15
Datum, 29.07.2015. godine
Zenica

PREDSJEDAVALA
Draženka Subašić, s.r.

199.

Na osnovu člana 37. stav 1. tačka f) Ustava Zeničko-dobojskog kantona, Skupština Zeničko-dobojskog kantona na 12. sjednici održanoj dana 16.07.2015.godine, donosi:

ODLUKA
o kreditiranju stambenih potreba mladih

DIO PRVI - OPĆE ODREDBE

Član 1.
(Predmet)

Ovom odlukom propisuju se uvjeti, način i sredstva za rješavanje stambenih potreba mladih, uvjeti korištenja i kontrole, određuju organi za provođenje ove odluke i uređuju druga pitanja u vezi sa kreditiranjem stambenih potreba mladih.

Član 2.
(Korisnici kredita)

Pod uvjetima utvrđenim ovom odlukom mogu se rješavati stambene potrebe mladih do 35 godina starosti, koji imaju prebivalište na području Zeničko-dobojskog kantona, (u daljem tekstu: Kanton), a prema posebnim kriterijima koje će propisati Vlada Kantona.

Član 3.
(Način rješavanja stambenih potreba)

Licima iz člana 2. ove odluke mogu se rješavati stambene potrebe na način utvrđen ovom odlukom pod uvjetom da lice ili član njegovog porodičnog domaćinstva nije vlasnik stana ili porodične kuće na području Bosne i Hercegovine.

DIO DRUGI - KREDITIRANJE

Član 4.
(Kreditiranje)

- (1) Osobama iz člana 2. i 3. ove odluke stambene potrebe rješavat će se kreditiranjem.
- (2) Pod kreditiranjem u smislu ove odluke podrazumjeva se odobravanje novčanih kredita. Maksimalna vrijednost kredita je do 50.000,00 KM, sa rokom vraćanja do 20 godina i uz godišnju kamatnu stopu u visinu Euribor + 3,84% godišnje (koja ne može biti manja od 3,90% niti može biti veća od 5,50% godišnje).
- (4) Visina kredita se utvrđuje u zavisnosti od kreditne sposobnosti podnosioca zahtjeva i članova njegovog porodičnog domaćinstva.